


ՎԱՐԱԳԱ ԽԱՉԻ ՏՈՆԸ (Էջ 78-80)



Հայ Առաքելական Եկեղեցին ունի խաչին նվիրված չորս տոն՝ Խաչի երևում, Խաչվերաց, Վարազա Խաչ և Խաչի գյուտ: Այս չորս տոներից երեքը նշում են նաև քրիստոնեական մյուս եկեղեցիները, իսկ Վարազա Սուրբ Խաչի տոնը հատուկ է միայն Հայ Եկեղեցուն, որը հաստատվել է 653թ., երբ Թողիկ և Հովել ճգնավորները գտան Քրիստոսի Խաչափայտի մասունքը:





Վարագա Սուրբ Խաչի տոնը նշվում է Խաչվերացից 14 օր հետո, այսինքն՝ սեպտեմբերի 25-ից հոկտեմբերի 1-ը հանդիպող կիրակի օրը, այս տարի՝ հոկտեմբերի 1-ին: Եկեղեցական ավանդության համաձայն՝ Դիողետիանոս (243-313թթ.) կայսեր հալածանքներից խուսափելով՝ Ս. Հռիփսիմյանց կույսերը փախչում են Հայաստան: Կույսերից Ս. Հռիփսիմեն իր պարանոցին կրում էր Քրիստոսի Խաչափայտից մի մասունք:



Ի հիշատակ Վարագա Ս. Խաչի
երևման հրաշքի՝ կաթողիկոս
Ներսես Գ Տայեցին կարգադրում է
հայոց եկեղեցու տոների մեջ
ավելացնել Վարագա Սուրբ Խաչի
տոնը՝ ի հիշատակ Քրիստոսի
խաչափայտի մասունքի
հայտնաբերման: Այն վայրում,
որտեղ երևացել էին 12 սյուները,
տասներկու եկեղեցիներ են
կառուցում, իսկ այն եկեղեցին, ուր
եկավ և հանգեց սուրբ Նշանը,
ընդարձակելով նորոգում են և
տեղում վանք հիմնում: Տոնից
առաջ հնգօրյա շաբաթապահք
սահմանում, որը ժողովրդական
լեզվով կոչվում է «վանեցիների»
պահք:

Անփոփիչ հարցեր.

1. Որտե՞ղ է գտնվում Վարազա լեռը:
2. Հռիփսիմեն որտե՞ղ էր թաքցրել սուրբ մասունքը:
3. Ինչպե՞ս գտնվեց սուրբ մասունքը:
4. Ովքե՞ր էին այդ ժամանակ Հայոց կաթողիկոսն ու Հայոց սպարապետը:
5. Հայոց կաթողիկոսն ի՞նչ արեց Քրիստոսի խաչափայտի մասունքի հայտնաբերումից հետո:
6. Ե՞րբ է նշվում Վարազա խաչի տոնը:



Տնային աշխատանք

1. «Վարագա խաչի տոնը», սովորել պատմել/էջ 78-80/
2. ԳՈՒՍ
3. Հետազոտական աշխատանք՝ Խաչի երևում, Վարագա Խաչ, Խաչի գյուղ տոների մասին:
4. Վարագավանքի մասին բերել տեղեկություններ:

Ուսուցչուհի՝ Ն. Զեյնալյան